



LAMPIRAN PEMBERITAHUAN PRODUK untuk Insurans Marin Kargo

NOTA PENTING: Sila baca Lampiran Pemberitahuan Produk ini sebelum anda memutuskan untuk mengambil Polisi Insurans Marin Kargo. Pastikan anda juga membaca dengan terperinci terma-terma and syarat-syarat amnya.

1. Apakah produk ini?

Produk ini akan memberikan perlindungan kepada barangan anda di atas kehilangan atau kerosakan ketika sedang diangkut dari satu destinasi ke destinasi yang lain dan barangan tersebut mestilah dimuatkan ke dalam sebarang jenis pengangkutan / kenderaan.

Insurans Kargo Marin meliputi pengangkutan Laut, Udara dan Darat termasuk Keretapi dan Pos.

2. Apakah perlindungan / faedah yang diberikan?

Terdapat 3 perlindungan utama yang berbeza-beza: (Perlindungan-perindungan lain adalah berdasarkan jenis komoditi yang diinsuranskan)

Klausula Kargo Institut (A) 1.1.82/ 1.1.09 (ICC A)

- Ini adalah 'perlindungan risiko' yang meliputi semua, tetapi masih tertakluk kepada pengecualian yang dinyatakan di dalam klausula.

Klausula Kargo Institut (B) 1.1.82/1.1.09 (ICC B)

- Berbeza dengan ICC A, perlindungan yang disediakan dalam ICC B dinyatakan dengan jelas di dalam klausula. Beberapa perlindungan utama adalah kebakaran dan letupan, kapal tenggelam, terbalik
- lanya mempunyai perlindungan yang lebih meluas daripada ICC C, dengan perlindungan tambahan seperti
 - Terjatuh dari kapal
 - Kerosakan disebabkan air Laut/Tasik/Sungai
 - Kerugian menyeluruh terhadap barangan ketika memunggah masuk atau keluar
 - Gempa bumi, letupan gunung berapi dan kilat

Klausula Kargo Institut (C) 1.1.82/1.1.09 (ICC (C))

- Serupa seperti ICC B, perlindungan ini disenaraikan dengan jelas di dalam klausula. Klausula ini memberi perlindungan yang paling sedikit

Anda turut boleh meluaskan perlindungan untuk meliputi

- Risiko Peperangan (Perlindungan untuk peperangan adalah ketika perjalanan di lautan atau air sahaja. Jika barangan yang diinsuranskan berada di darat, perlindungan untuk risiko peperangan tidak disediakan)
- Risiko Tunjuk Perasaan

Tempoh perlindungan adalah ketika tempoh transit/pengangkutan, biasanya dari gudang/perkarangan pembekal/perkarangan pembeli. Anda dinasihatkan untuk mendapatkan kenyataan polisi bagi memahami perlindungan ini dengan lebih jelas.

3. Berapakah premium yang perlu saya bayar?

Jumlah premium adalah berbeza-beza bergantung kepada pelbagai faktor. Berikut adalah ciri-ciri utama dalam menentukan jumlah premium

- Nilai barangan
- Jenis pengangkutan/kenderaan yang digunakan, iaitu kapal terbang, kapal laut (jenis kapal laut)
- Perjalanan tersebut, iaitu dari man ke mana
- Bagaimana barangan tersebut dibungkus, iaitu tidak tertutup, di dalam bekas
- Keperluan perlindungan – lebih luas liputan perlindungan, lebih tinggi premium

Jumlah Premium = Nilai Diinsuranskan x Kadar Digunapakai.

4. Berapakah yuran dan caj yang perlu saya bayar?

Yuran dan bayaran yang anda perlu bayar adalah:

Jenis	Amaun
Cukai Perkhidmatan	6% daripada premium
Duti Setem	RM10.00
Komisen ejen apabila melibatkan seorang pengantara	15% of the premium

5. Apakah terma dan syarat utama yang perlu saya tahu?

Kepentingan membuat Pendedahan

- MENURUT AKTA PERKHIDMATAN KEWANGAN 2013, Seksyen 129, Jadual 9, Perenggan 5: Adalah menjadi kewajipan pengguna untuk mengambil penjagaan munasabah untuk tidak membuat salah nyataan kepada penanggung insurans berlesen semasa menjawab apa-apa soalan yang diperlukan yang berkaitan dengan keputusan penanggung insurans samada untuk menerima atau tidak risiko dan kadar dan terma yang hendak dipakai.

- Anda harus memastikan yang borang cadangan dilengkapkan dengan tepat kerana ianya merupakan asas kepada kontrak insurans. Perubahan dalam Risiko

- Anda harus memaklumkan pihak kami atau penantara insurans anda dengan memberi notis bertulis tentang sebarang perubahan material sepanjang tempoh perlindungan polisi untuk memastikan pindaan-pindaan yang wajar diendorskan pada polisi anda.

Kewajipan Pihak Yang Diinsuranskan

- Anda dikehendaki mengambil langkah yang munasabah dalam pengambilan perkerja yang mahir, mengambil kesemua tindakan yang munasabah untuk mencegah sesuatu kemalangan dan mematuhi kepada semua peraturan undang-undang dan memastikan semua premis-premis, perabot, aksesori dan kelengkapan, perkakas dan peralatan dalam keadaan yang sempurna.
- Anda tidak harus mengaku liabiliti, menawarkan janji atau bayaran kepada yang menuntut tanpa kebenaran bertulis dari kami. Jika berlaku sebuah tuntutan atau kejadian yang berpotensi mencetuskan sebuah tuntutan, anda harus memaklumkan kami secara bertulis dengan serta- merta.

Nota: Senarai ini tidak menyeluruh. Sila merujuk kepada kontrak polisi bagi terma dan syarat-syarat yang terkandung di bawah polisi ini.

6. Apakah pengecualian utama di dalam polisi ini?

Polisi ini tidak melindungi:

- Salah laku yang disengajakan oleh yang diinsuranskan
- Kehilangan atau kerosakan disebabkan oleh sifat semulajadi barangan
- Kerugian/kerosakan yang dijangka berlaku seperti kerosakan akibat penggunaan biasa, berat yang berkurangan
- Ketidaklayakan kapal untuk belayar di mana yang diinsuranskan sedar ketidaksesuaian sedemikian

Nota: Senarai ini tidak menyeluruh. Sila rujuk contoh kontrak polisi untuk senarai penuh pengecualian di bawah polisi ini.

7. Bolehkah saya batalkan polisi ini dan apakah caranya untuk membatalkan?

Disebabkan sifat risiko ini, sebaik sahaja risiko bermula, pembatalan tidak boleh dilakukan.

8. Apakah yang perlu saya lakukan sekiranya terdapat perubahan di dalam butiran perhubungan saya?

Adalah penting untuk anda memaklumkan kepada kami sebarang perubahan kepada maklumat terperinci anda bagi memastikan yang kesemua surat-menyurat sampai kepada anda tepat pada waktunya.

9. Dimanakah boleh saya mendapatkan maklumat yang lebih lanjut?

Sekiranya anda mempunyai sebarang pertanyaan, sila hubungi kami di:

AmGeneral Insurance Berhad

Menara Shell,

No. 211, Jalan Tun Sambanthan,

50470 Kuala Lumpur, Malaysia.

Talian Bebas : 1-300-80-3030

Emel : customer@amassurance.com.my

Laman Web : www.amassurance.com.my

10. Lain-lain jenis perlindungan insurans serupa yang disediakan?

Polisi Barangan Ketika Dalam Transit

NOTA PENTING:

ANDA HARUS BERPUAS HATI YANG POLISI INI AKAN MEMENUHI KEPERLUAN ANDA SEBAIK MUNGKIN. ANDA SEPATUTNYA MEMBACA DAN MEMAHAMI POLISI INSURANS INI DAN BERBINCANG DENGAN EJEN ANDA ATAU MENGHUBUNGI TERUS SYARIKAT INSURANS UNTUK MAKLUMAT LANJUT.

AmGeneral Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia untuk mengendalikan semua kelas perniagaan insurans am.

Informasi yang dibekalkan dalam lampiran pemberitahuan ini adalah sah pada 18 Disember 2019.